


2022 йил август



Аҳоли ва тадбиркорлик субъектларининг инфляцион кутилмалари шарҳи




Ўзбекистон Республикаси Марказий банки

Тошкент 2022 йил

Аҳолининг инфляциян кутилмалари


Август ойида ўтказилган сўров натижаларига кўра, келгуси 12 ой учун нархлар ўсиши бўйича аҳоли вакилларининг **инфляциян кутилмалари**¹ пасаяувчи динамикани кўрсатиб, **15,3 фоиз** атрофида шаклланган бўлса, медиана қиймати² **11,9 фоизни** ташкил этди (1-расм).

1-расм. Аҳолининг инфляциян кутилмалари динамикаси, (фоизда)



Келгуси 12 ойда инфляция кўрсаткичи жорий даражада ёки ундан юқорироқ бўлишини кутаётган респондентларнинг улуши аввалги ойга нисбатан 1 фоиз бандга қисқарган (2-расм).

2-расм. Инфляциян кутилмаларнинг жорий инфляцияга нисбати (респондентлар улуши, фоизда)




¹ **Инфляциян кутилмалар** – инфляциян кутилмаларнинг турли гуруҳлари бўйича мос жавобни белгилаган респондентлар сонининг ўша жавоблар ўртача қийматига кўпайтмалари йиғиндисини жами респондентлар сонига нисбати (ўртача тортилган кўрсаткич).

² Инфляциян кутилмаларнинг **медиана қиймати** – келгусидаги инфляция бўйича жавоблар вариацион қаторини тенг иккига бўлувчи қиймат.

Август ойида аҳолининг кўпчилик қисми келгуси 12 ойда инфляцияни **9-12 фоиз** атрофида бўлишини кутишмоқда (3-расм). Охириги ойлarda 12 фоиздан юқори инфляцияни кутаётган респондентлар улуши қисқариб бормоқда.

3-расм. Инфляциян кутилмалар бўйича аҳоли жавобларининг тақсимоти (респондентларнинг улуши, фоизда)



Респондентлар томонидан келгуси даврда нархларга оширувчи босим кўрсатиши мумкин бўлган асосий омиллар сифатида **импорт товарлари ва асосий озиқ-овқат маҳсулотлари (48 фоиз)**, **нархларининг сунъий оширилиши (37 фоиз)** ҳамда **ёқилғи ва энергия ресурслари нархининг қимматлашиши (34 фоиз)** таъкидланган (4-расм).


4-расм. Инфляциян кутилмаларнинг асосий омиллари (респондентларнинг улуши, фоизда)

Омиллар	Январь	Февраль	Март	Апрел	Май	Июнь	Июль	Август
Импорт товарлар ҳамда асосий озиқ-овқат маҳсулотларининг қимматлашиши	41	43	49	53	55	56	55	48
Валюта курсининг ўзгариши	37	49	54	43	26	25	33	35
Нархларнинг сунъий оширилиши	35	30	37	34	37	41	43	37
Иш ҳақи ва нафақаларнинг ошиши	31	28	23	22	39	34	29	31
Ёқилғи ва энергия ресурслари нархининг қимматлашиши	25	20	18	23	27	27	36	34
Турар жой ва ижара тўловларининг ошиши	15	14	11	14	11	11	12	15
Супермаркет ва бозорларда нархлар ўртасидаги фарқнинг юқорилиги	10	11	11	14	14	14	14	11

Тадбиркорлик субъектларининг инфляциян кутилмалари


Жорий йилнинг август ойи якунлари бўйича келгуси 12 ой учун нархлар ўсиши бўйича бизнес вакилларининг **инфляциян кутилмалари** ўтган ойга нисбатан 1,1 фоиз бандга камайиб, **14,1 фоизни** ташкил этди, медиана қиймати эса **11,6 фоизни** атрофида шаклланди (5-расм).

5-расм. Тадбиркорлик субъектларининг инфляциян кутилмалари динамикаси (фоизда)




Келгуси 12 ойда инфляция кўрсаткичи жорий даражада ёки ундан юқорироқ бўлишини кутаётган респондентларнинг улуши 52 фоиздан 47 фоизгача қисқарди (6-расм). Август ойида тадбиркорлик субъектларининг кўпчилик қисми келгуси 12 ойда инфляцияни **9-12 фоиз** атрофида бўлишини кутишмоқда. Шунингдек, сўнгги ойларда бир йилдан сўнг инфляция таргет доирасида бўлишини кутаётган бизнес вакилларининг улуши ортиб бормоқда (7-расм).

6-расм. Инфляциян кутилмаларнинг жорий инфляцияга нисбати (респондентларнинг улуши, фоизда)



7-расм. Инфляциян кутилмалар бўйича респондентларнинг тақсимоти (респондентларнинг улуши, фоизда)



Тадбиркорлар томонидан кейинги 12 ойда нархлар ошишига валюта курсининг ўзгариши (33 фоиз), ёқилғи маҳсулотлари ва транспорт хизматларининг нархлари қимматлашиши (29 фоиз) ҳамда иш ҳақи ва нафақаларнинг ошиши (24 фоиз) каби омиллар таъсир этиши мумкинлигини таъкидланди (8-расм).

8-расм. Инфляциян кутилмаларнинг асосий омиллари (респондентларнинг улуши, фоизда)

Омиллар	Январь	Февраль	Март	Апрел	Май	Июнь	Июль	Август
Ёқилғи маҳсулотлари ва транспорт харажатларининг қимматлашиши	42	36	36	37	25	27	31	29
Валюта курсининг ўзгариши	37	43	51	41	24	19	34	33
Иш ҳақи ва нафақаларнинг ошиши	26	21	17	21	30	29	23	26
Импорт қилинадиган хомашё ва бутловчи қисмлар қимматлашиши	20	18	22	14	14	24	28	22
Иқтисодиётда рақобат муҳитининг ёмонлашиши	16	13	14	14	16	32	33	16
Тижорий бино ва ижара тўловларининг ошиши	13	11	10	9	9	10	12	13
Айрим товарларни импорт қилишдаги тариф ва нотариф чекловларнинг мавжудлиги	12	11	12	17	16	18	19	17

Шунингдек, импорт қилинадиган хориждан хомашё етказиб беришда узилишлар бўлишини ҳамда импорт қилишдаги тариф ва нотариф чекловларнинг мавжудлигини кутаётган тадбиркорларнинг улуши ўтган ойга нисбатан қисқарган. Бунда бизнес вакилларининг юқоридаги омиллар бўйича хавотирларининг камайишига янги таъминот занжирлари йўлга қўяётганлиги ҳамда иқтисодиётда рақобат муҳити яхшиланиб бораётганлиги билан изоҳланмоқда.